Annu novu

Tù chì ghjunghji puntuale È t'affachi spenseratu Da tutti sè aspettatu Per stancià u tempurale Risanà u nostru male È appacià u passatu

Risanà u nostru male È appacià u passatu

Sè u sonniu ideale D'un avvene più sebiatu Senza odiu ne peccatu Ma solu piacè è sciali Duve ferma tale è quale U solcu di l'antenatu

Duve ferma tale è quale U solcu di l'antenatu

Spalanca quì e to ale Versu u celu bramatu Ogni mumentu spannatu Da un eternu fanale D'amore tradiziunale È rispettu incalcatu

D'amore tradiziunale È rispettu incalcatu

Manteni u naturale È l'estru aggalabbatu Fà ch'ogni zitellu natu Cù l'altri sia uguale Sempre un corsu liale À issa terra arradicatu Sempre un corsu liale À issa terra arradicatu

G-F. Terrazzoni — P. Agostinetti — F. Santucci © 2015 Cirnese